

卷一

東邨全集

儀一堂藏板

序

壬戌之春余雋南



官其同榜進士首除

縣令者是為靈化李

君思行之任之日同人

序

祖送國門皆曰君此
行非久即當膺鋒
車為臺省官李君奮
然作色曰士君子出膺
民社當期不愧古良

吏寧徒阿嬖取容
上官苟以報最而已
耶及之官蒞事精
強無所撓辟竟以不
合上官意投劾而去

無幾微不平之色於
是慨然心折思行之能
踐其言而恨未竟其用
也逮癸未會試天下士
余倖廁總裁得一卷古

質蒼然含章蘊采
歎為老成積學之士撤
關詢之則李君同懷弟
西音也比來竭魚之雅
遇然如不勝衣蓋蔚然

有古君子風暨渴選為
江南石埭令二年後因
公罍誤此邦士民攀轅
補呼哀籲請係苗者
日以千百數大冢宰富

公細訪孝君善政得民
之深遂據情上聞

天子知其賢嘉冢宰能
知人復原職補任浙
江德清令甫下車點吏

豪宗憚君威名屏息
觀望君則愷以強教之
悌以悅安之不剛不柔
敷政優之仁行為淵屬
第一中丞深器之俾攝

篆石門復翕然化効石
明士民惟恐君之不久於
斯邑也其德清父老則
又日夕祝告惟恐君之一
日而離吾邑也余曰是

竊歎李君兄弟先後舉
進士文學吏治俱卓卓之可
紀述如是果何以致此哉
今年秋西音奉其尊
人李年伯吉津先生東

村集拈手進言曰此先君
子遺書將開離行世

乞夫子一言以垂不朽予
盥手捧讀迴環數四悵
然太息知先生之忠孝

文章一佑啟後昆而思
行西音兩君之出處事
業故能廣大其前人也
語曰芝草一冬根醴泉
無源其然豈其然乎先

生少年掇魏科三十典

京闈未及四十晉位官磨

正議直指位非言官而以
人所不敢言者去位謫戍

陪京聞命即慨然登車

借雪海天中諸先生酬
倡七年忠君愛國之思發
乎性情見於愾歎無時
無地而不學焉卒之

先帝念其孤直命返鄉土作

詩自述云只有故園三畝

地疏泉好灌紫梢藤其

天襟灑落意致蕭疎

又何其言短而味長也先

生與宛平尚書五公真

定相國梁公同年同館中
夏升沉不以盛衰得失易
其交情今觀其集中詩
父往復古道契人於今為
廣陵散矣嗚呼先生名

高千古遊轍遍天下文章
垂世讀之無向知與不知
莫不感發興起有動
于中况余與長公為同
年至交次公又泰有文

字之知此尤為之俯仰
徘徊捲卷唏噓而不能
自已者也今先生往矣而
後嗣代興濟美前賢先
生其可以含咲于九泉而

無憾矣乎

康熈五十八年己亥十月朔年
姪洛溪裊朽時年八十許汝

霖頓首識

東村集序

李十公西音主一僕一來自監河

千五百餘里過於山僕大異之

休廢篋執冊進曰此先生之遺

也清先生序五十餘年知交房

先生函先生亦不能序先生之序

而終經之深愛冊乃宮詹詩文
若干諫之咽嗚不能下再諫之細
字行之表裡工緻以十公手書漆
乎如生而齋粟沒而愾懷之形罔有
所懈 胃於曰此忠臣之志孝
子之行也讀未竟復相携痛

笑去聲 嗟乎宮詹少僕三歲曾
幾何時而生死存亡竟不可問如
夢中事耶憶僕困棘浦而宮
詹已官史館僅以姓字問乙酉
詔訪經學僕乃執五經名試會
禮曹請禁而天下士猶未聞知闡

中已得卷不敢錄合監臨主司同
考官十八人疏具山東異字封硃尋
卷清上裁僕狼狽無所趨乃
以蘇竹浦兄弟之盤河謁宮磨
布衣野冠茅屋土壁歡然相得
如平生交自此朝夕食寢或

步部外登齊雲或棲遲可周
似諸友倡和見吹草一時遠
迹公藉之稱之兩月餘白命

旨
試至芝里同王承哉夫子諸

進士擢第三人授中書特

賜會試簡庶常而為磨六補友

同子史銀於青日之布衣交之忽
聞以二之生關東僕初進之士未始
以何如唯北堂唏噓泪下枕痕
未幾深亦以一言之旋為先大夫讀
禮南北生死恍如隔世恭值 恩
逢故至奉侍老為而十公乃自澳

東來屹之丈夫甫三帙中薦
賢之長公尔捷南公僕亦以文學
待召京師數月病瘳東下再
過盤河宿宮詹家書園火榻
抵之咨嗟恍若再生且兩人皆泛
限突暢飲大醉三晝夜別

而老詹猶鬚髮未白上侍

母下接諸子諸孫躬夕東邨

按前分食無異做秀才時

次年又以文為僕七十壽

升浦先牙少早三唯僕

與老詹苗東西相坐於古山

以東有蕭然兩老布衣

也何謂者長公求秩早仕

亦未也何及及長公筮仕中

州山邑長公即以夕招太行

遊而宮詹忽病亡嗚呼先

有書戒勿求速仕未詹嗚呼

葉枯之來得失司之存身之
大抵象輩貧賤人叨朝家冷
曹官悠々歲月了詩話緣分
以之處今日之遭逢樂眼底之
山川畢由身之生死則天地之
福生主之息也及讀集中澳

東之詩頗多即歸來痛之思
痛雪窖冰窟鳥聲鶴唳
每有悲悼 澗步山村 秋掃江
上星霜風雨冷暖游之山川
料木杵之傷心亦以貧賤如
我輩苟有志於星國之里亦

聊以識之 俚句 眇陳夙夜
然歌放浪之舉 亦聊以孤
棹青驢 脫落凡塵 而欲求
治平之策 上問知己 於軒
冕 亦自遺生平之辱 而忘
失身之危者 之所為也 其之矣

聖

之何哉 僕亦以梅山戰守之
績 落壺之武林 清白之節
森 錢塘江干 剔蠶之苦 蕭
蕭白鷺 而身病家破 隆膺
主之 古賢宰相之舉 而福
命涼薄 拂衣 檝舫 其如

此命何哉 至如天下何哉 甚
詹亦可長嘯於地下 將赫此
東村草 不必苗之千百年
後必福是 西音之孝思必不
可沒讀子集如 惟家之詹
先生於立天上下 嗚呼孝子如

以寶天錫之不遺而苗此集於
天下後世亦使千百年後知
孝子必出於忠臣之門也 僕亦
不能不收泪而為之序

康熙三十二年癸酉仲夏黃
山少子一老人同學弟法如

真力書於丁卯亭

叙

士君子讀古人書思聖賢之所
以自樹景行仰止將跂而及之
必不徒安其居美其食偃然
自足而已至於出處是有命
焉出則身任當世之事黽勉

余
以盡其所當為而功在天下處
則縱觀古今之變尚論以歸
于大中而功在後世其道一也乃
有一人之身而或出或處則又宜
委時順命素位而行處富貴
而不盈遭患難而不懼如是者

可以謂之君子矣求之古人亦不
數_上見也忠如屈子憤其言之不
用托諸離騷以伸其怨誹而猶不
能盡卒至湛身以死才如子長恥
其身之被辱托諸史記隱約周托
以舒其不平之鳴後人遂擬之為

謫讀其書未嘗不悲其志而亦不
忍以聖賢大中之道過求之也乃
有忠如三閭才如太史公出處亦
約略相似而坦然澹定不震不矜
兼之不怨以予所見唯東邨先生
一人為狀先生山左名士年少

即掇魏科讀中秘書三十典原
闡所得多天下士次侯熊君其
一也未四十晉位宮尹騷去三
事不遠矣一旦以使事回中有
所見上書言人所不敢言事

先帝本知其直而迫於吏議以為非所

宜言遂有遼左之役先生雪涕
以往碣石伊閣冰天雪窖處之
泰然日與雪海天中諸公互相慰
藉有時酬倡言懷惟自愧不知明
哲之道危其身以及其親是懼外
此勿計也如是者七年

先帝念其無他命返鄉土先生自慶生

還感

天王之聖明依慈闈而

定省上奉太夫人下教諸公子鍵
門著述譚經論史間與二三故
友分題闡韻或攜童子策青
駒走田間道遇樵夫牧叟較量

晴雨野夫不審為何人也願好
 遊三渡揚子上秣陵徧跡樓
 霞牛首又東下浙水登子陵釣
 臺趨太末北抵恒嶽若錢塘帝
 阜邗溝諸勝不待言矣所至原
 本山川極命草木篇章極富

卒無一字有玉堂天上之感
 其自視何如哉余自庚申秋赴
 招安省女喜黃倩奉先生教為
 令有聲余自戊子歲即知先
 生與胡成王諸先師皆癸未同
 譜敬執後進之禮晉謁先生延

又

上

余
之升堂相與揖讓談燕倡酬不
計時日余不自量輒以素所撰
述求正先生不加鄙夷序言重
沓褒譽過當既復以諸公子制
執屬令點定介弟陶津翁兩
令嗣亦問途于旨遂率意筆

削不自知愧先生不余責也

長君思行君推先生之愛綰帶

締交壬戌公車初場後即手

書詳述文思條鹵遇合庶幾歸

抵邗溝閱南宮榜已登上第與

聖起王君鼓掌狂喜此景猶只

暮間也余羈栖招安最久編
交彼中士大夫于先生尤不間
晨夕先生視余如故舊余亦不
自知為旅人仲春賦別時先
生率兩公子乘車相送至數
十里外贈以書幣執手依依相

期後約帳有不忍離之色迨
長公筮仕武陟先生屢馳音
訊余亦肅答數番久乃寂然
繼得孟循家報始知竟遊道
山千里遙未遑笑寢雖夙草
屢更此心終惻也甲申春

算余抱西河之痛遁跡焦山暨
 歸兒輩奉先生東村集并
 西音君手書鄭重屬余以校
 讐之役因得縱觀全集見曩
 日倡和詩不覺潛然泣下愴
 如昨尤可感者西音新捷南

宮旦夕膺圭組出交王公大人而
 乃追念二十五年前遺老曾
 與先公有投分之契猶能記
 其姓名直至荒村寂寞之濱
 委之刊定此意恐非今人所有
 不獨江以南論交尤薄也余

既深痛先生之長往又重喜先生之有後以孝作忠善承先志而又不遺故舊古道照人泪已盈承曉又不覺破涕為一笑矣至先生詩歌追蹤李杜出入高岑和平温厚歸於雅

馴碑版序記諸文遠接廬陵

眉山近法震川荆川有目者

所共見非余管窺末學所能

贊一辭余之為此非敢云序先

生之集猶是二十五年前鈞

盤河曲與先生酒間絮語而

已丹陽後學賀寬謹題時年
七十有七

東村詩叙

癸未歲試余與濟南李西音同生
房師雲山汪公之門兩人情好甚
執手也余苗京師西音歸里又六年
庚寅西音赴選北來得江南之石埭
乞臨別手一編見示曰此吾先子墓碣以之

詩也先子早歲成進士南筮仕而際化
離旋登清要繼而遭竄謫終而返田
廬其於家國之際險奇榮悴可喜
可愕之事既備嘗之矣而世之不費
之於詩亦肖將梓以問世非君孰可
序序者取以請余受而存之時方

修年 內廷碌未暇 勞已後 七 假
多如費 醫卒 讀 慨然 真 以 氣 自
此 如 漢 廟 明 堂 之 音 必 奚 而 入 于 變
風 變 怪 也 蓋 先 生 之 詩 初 矣 經 史
囊括 百家 氣 道 而 力 健 直 氣 追 躡 少
陵 而 復 余 之 常 柳 以 博 于 趣 游 之 元 白

以暢生支悲深淑楚隱謬毫端要
皆因時以生隨東而西讀之者實生以
深曠於以遠有風人之致無滯矣之也
化在孤事年年竊觀百解年來詞
壇所社先後以真必稱滴之最著者
歷城之李新城之王滄溟阮亭為先生

之詩盛以于海內有口者皆能誦之

抑如李後王前乃有李唐先生因

之並驅方駕成鼎足之勢力者乎願

歷城當勝國中業敷歷中外仕路

坦夸新地則際

本躬極盛時躋崇階升大座故其為

詩也安能少而正者多先生所履
之境在枯菀禁倖間如吾詩隆
變而仍歸于正蓋遇不同而詩同即
詩不必衆同而其可傳於後無不同也
然則茲集之出其嘉惠來學有功
於詩教者豈淺鮮哉歲戊戌西音
去石埭來宰德清去吾鄉百里而近
追維曠之昔之之謹也足以克宿諾乎
是晚不獲從先生遊今狗賢嗣之
請挂名於簡末是先生之詩不困鄙
云悖者與余之姓名且將托先生之集
以垂不朽也非厚幸歟

海寧門年卷姪查性以相篋

東村集目錄

卷一

邸中藁 詩二百一十一首

卷二

使程自刪 詩六十四首

木齋詩藁 詩八十八首

卷三

游中山草 詩十五首

唐城草 詩四十八首

秋尋草 詩三十首

卷四

南游詩 詩三十一首

紀行詩 詩三十六首

秋游集 詩九十八首

卷五

東村詩 詩二百九十七首

卷六

序 十五

卷七

壽序 十七

卷八

記 五

跋 三

題辭 五

卷九

傳 一

行狀 六

墓表 二

卷十

墓誌 十

祭文

附刊行狀

墓誌

外傳

東村集卷一

霑邑李呈祥吉津甫著

邸中稟

吉津先生早貴工詩思沉力厚每值一境凡有所
作即手自較集冠以小序如使程詩刪木齋稟班
班可考獨詹事翰學時雄長辭壇筆落吟成或驚
風雨或泣鬼神膾炙同人交相酬和玉立梁公詩
云俱是狂吟客揮毫媿不如蓋實語也忽遷遼瀋
變出倉猝狼狽東行遺稿散落又八年感動
聖恩賜歸田里引松風以落帽爆簷日而翻書顧瞻

東坡集卷一
玉堂如夢蕉鹿絕不復理前徽矣及先生沒長君
思行宦滯中州仲君孚若哀集家乘獨缺翰苑之
作然先生居官時不忘故舊每得佳句即惠寄草
廬間嘗手寫十行亦或札緘斷句余盡出之因令
孚若再加搜尋芻及敗篋廢簾得遺稿若干皆蠹
剝塵封或改削不可猝辨余証而訂之附識數語
於首今十郎孝廉公有事京邸欲攜一往倘先生
故人猶有存者展卷懷人遺音金玉能不因風致
慨也與哉雪崖老人范明徵謹題

丙戌元日

除夜陰連雲勢酣質明雪色更相覃豐年瑞兆飛花六
元日仙踪降葛三栢葉共傳千舍酒垂簾自笑二毛鬢
梅花何處方奇絕正好騎驢任意探

正月念九日大雪早起作歌寄馮孔博

昨夜窗前聽雨聲已知二月春雷鳴密雲不雨何醜醜
雪花忽滿長安城長安自昔多風雪牛目埋時尋車轍
車聲鱗鱗夜未休就中亦有邦國傑賢豪虛名詎自由
江上持竿理敝裘一旦君王問舊友跣足還來動星斗
人生遇合自有時試看盆梅開若茲

寄王鐵山

東坡集卷一
二
微軀未了亦師恩握手歡然此共論
雨後西山朝一色
秋中明月夜千門樓臺移影還
銅鏡瓜果隨時對瓦罇
獨有齊人尤感切去思碑並岱峰存

寄羅篁菴

紫髯飄飄氣似霞
司成高座即仙槎
衡文已識金臺駿
作賦還開鐵柱花
舟楫圖中湖萬里
樓軒鏡裏月千家
宮袍鄭重斑衣舞
遊子歸心夢未賒

重九

馬上西山常在眼
齊雲湖畔意何如
登高屐齒今無恙
對酒詩囊舊有餘
細點秋容鶴粉菊
橫排愁况鴈行書
慙勤掃榻期君至
風雨中宵夢未虛

二

不用尋秋更上臺
相攜秘閣對崔巍
千年佳節客中過
一夜寒颼海上來
紅見楓林霜氣入
香聞菊蕊月華開
二三兄弟同懷抱
笑語逢時借酒杯

送張石帆按湖南

雲深鴈影下衡陽
草木回心九月霜
繡豸坐含楓葉赤
青驄行帶菊花香
巴山不勒登樓賦
楚水清如柱史裝
從此湖南深雨露
雍容白簡對詩囊

早朝即事寄王敬哉

東村集卷一
三
秋肅千門曉漏懸霜華流影襯寒瓊幾行實錄還書債
十日朝叅謝俸錢水骨迎風猶沒石松魂貯雪欲迷烟
右軍通識行藏事衣袂光輝每並肩

二

秋高三殿露華懸天步紅雲動綉瓊日耀袞龍金鎖闥
花分仗馬玉連錢垂旒喜氣聞天樂彩扇香光見瑞烟
自是聖朝容陋質羣材漫許效隨肩

無題

誰續滿城風雨句古今名盛許同行書來燕市小春暖
字帶齊雲九月涼素髮歲星還俊逸白眉仙令自循良
知君兄弟常思我拳石憑將竹影長

又

往來未許夢魂疎攜手西村值罷鋤日落牛羊出渾沌
天寒草木入清虛新醪計取今朝醉舊事閒尋昨日書
笑我何心甘退早生平只戀一茅廬

又

休心自覺此身微飄泊還將任所歸斗室初營坐寂寂
晴光經閨見輝輝青牛西去無消息白馬東來有是非
只許至人能幻化何勞同異論知幾

懷友

東坡集卷一
四
司馬先生最解音冰絃玉柱坐銷沉湘靈歸處珠隨水
蕙葉飛時霜滿林玉骨何緣能化鶴芳魂應自念遺簪
攤書亦是生前事獨坐無言恨轉深

無題

宦况緣何事攤書猶下幃詩懷吟且步客夢坐還飛夜
逼燈花瘦寒生雪葉肥明年春竹綠定有一人歸

憶昔

濟南德曜輝南極薊北才華動北平金馬竟騰兕虎步
碧雞解作鳳凰鳴梅花含蕊香無影芝草凝堦秀有情
舞綵十年歡此事靈椿千度見恩榮

送劉師文

薄宦生平足壯遊囊書策蹇自秦州春回故國三年別
麥秀長安四月秋濁酒高談仍下榻離懷遠眺再登樓
高車駟馬關何事嘯傲須知行役休

山左患盜久矣然盜有所起亦有所止要在守令
得人而已而與民近且切者尤莫如令故令仁
則民有同心而盜黨衰令明則民無遁情而盜
機息令勇則民知敵愾而盜氣奪令廉則民有
畏志而盜源塞令如此而猶患盜者未之有也
此為誰海豐令杜公

東坡集卷一
五
海豐斗大隣於鹽雲盜之所窟肆其狂氛不時出沒千
百爲羣持矛躍馬旣掠且焚烟火已絕久廢耕耘邑宰
嬰城或如莫聞惟我社母得未曾有吾民吾子爾盜爾
醜譬鳥赴樊如魚麗留爾其革心吾不爾咎怙惡終迷
敢薄林藪我公赫然往折其首躍馬當先發矢胸穿聞
風膽落望影奔顛雞犬介持草木爲邊向無家處今有
大年刑平賦簡衙署磬懸我民樂矣匪以頌賢

初夏和馮孔博

歲月咨嗟過鶯花忽恍中臥龍人漸老躍馬氣何雄靜
可宜長晝寒猶怯曉風浮生無去住天地任飛蓬

二

西北臨高闕東南接大江將軍援戰鼓壯士厲金鏃廟
畧應全勝鄉心故自降春陰今散盡鳥雀噪晴窗

三

太古無文字煩言盡可刪未能却宿疾亦似供偷閒日
暗雲雷怒山深木石頑眼看時序改何物駐紅顏

四

自是爲農好平疇望汶颺成秋方麥秀入夏長禾苗燕
市歌難放齊人輩可招誰云聽夜雨不似海門潮

秋懷

東坡集卷一
九
空庭一葉下難持客况千端坐自悲遠塞西風聞鐵馬
荒原落日照旌旗烟含薜荔山中長露衰芙蓉江上垂
擬有高樓堪縱目還愁陰雨望鄉遲

二

半畝荒園有宦情鋤瓜牽蔓聽秋聲拂衣欲謝塵中色
懸榻先辭世上名歲月異鄉愁易過江湖故國夢猶驚
沉吟閒步時常晚奈爾淒淒促織鳴

三

輕衫披拂晚風涼返照山光入草堂天際浮雲白鳥下
堦前積雨綠苔長醉來忽隨懷人淚賦罷空思處士裝
無奈秋行高殺氣填然金鼓滿漁陽

四

擬將爽氣消殘暑覺有微涼始欲愁玉闕高懸星似織
銀河低轉月如鉤三峯松桂遙相引萬里鵠鴻逝不求
莫向城隅閒眺望西來風雨故林秋

蕉花歌上太老師憲石劉公

世間百卉生有屬蕉自卷舒無所著一葉一陰風冷然
幽窗急雨風漂洶長安今歲雨何多菡萏芙蓉愁濩落
蕉葉初抽若有意芽茁細蕊只疑籜含苞千重如鐵堅
蓮花陸地開其萼何事銅盤引露漿此中瓊液長年藥

東坡集卷一
七
門外車馬晝夜馳軒前靈秘即巖壑古槐虬榦鬱蕭森
三伏遂能謝炎熇菖蒲空聞幾節開靈芝煌煌竟何託
亦有幽蘭沒深谷樵夫牧豎但輕薄何如得傍高人居
一觴一咏共斟酌嗟乎文章道喪交不真紅紫逐時解
媚人蕉花孤發自爲春寒菊青松願結鄰

與胡韜穎飲酒

蕭條秋氣帝城深細雨浮雲滿上林短劔十年生死事
孤鴻萬里去來心玉關飛將成豪舉金馬客星但陸沉
回首同遊諸少壯那堪白髮共侵尋

二

太行西望白雲飛汾水東流去路違燕市酒人還落拓
朔方開府故光輝封侯自昔虛長鉞學釣從今守舊磯
客邸晚涼新病後愁聞砧杵理寒衣

李五絃索詩

五嶽當胸消作塵尋師問道苦謀身洞花幽草如相戀
握雨攜雲總未真夜半星河仍寂寞風前環珮乍逡巡
爲存圖書虛無裏可有閒情別對人

二

壯志當年大將旗山河轉戰說雄師風塵匹馬三千里
血淚雙龍十二時青鏡霜鈎生白髮紅牙金縷轉黃鸝

東村集卷一
佳人未老空餘恨荒草斜陽欲問誰

初冬雜興

微雪開新霽暮山雲稍紫衆鳥求食回飛鳴赴棲止物
息固有時行役何當已

二

猛風無善氣安敢暴微躬雖有口與舌屏息衆人中羊
裘敝復嘉隩處萬古同

三

病軀夜無寐欹枕聽雞鳴天寒不自息長號何丁寧胡
為不努力負此殷勤情

四

鐘聲既磬鉤龍象齊騰達清嚴徹絳霄九閭無嚇喝萬
方今悔過黎庶則望活

五

有一迂老儒被褐說懷玉汝褐不蓋身汝玉誰當矚累
足慎勿前恐為至寶辱

六

翩然有雅客自云善理琴試令一再鼓淫靡多近音吁
嗟伯牙後此道遂陸沉

七

灼灼園中花日照顏色好霜雪一以零萎落同秋草草
衰理則然松栢當自保

八

鬱鬱澗底松上有千尋柯樵夫日橫斤山靈不能呵爾
樵計良拙爲薪當幾何

九

瑞雪却及時徒滋蒿草生非無膏腴田鼠兔莫能耕大
哉民爲寶天地賴裁成

閒居

朝來問日色晴暖快閒居僻巷無新轍空齋有舊書裁

詩作者後占夢此生餘滄海有空濶虛舟任所如

二

逐逐豈人事寥寥見我情寒山收衆籟遠水照孤明鳥
雀誰憂喜雲泥自重輕祇緣多病苦妄欲解無生

三

何以知霜雪凋零見物華仙人厭住世遊子念還家白
首希傾蓋紅顏繞斷笳經時忘櫛沐慙愧日邊霞

四

非是耽高臥囊空羞向人車聲喧晝夜馬骨沒風塵冷
覺綈袍敝愁尋濁酒頻誰知幽谷裏十月有陽春

東坡集卷一
送胡韜穎旋里

即今又別長安去何似當年意氣豪回首風雲雙鬢老
拊心天地一身勞空堂夜雪理殘杼客路晨霜透短袍
歸臥荒山防虎跡閉門且任長蓬蒿

寄謝白東谷見惠詩刻

風塵餘病眼此日豁然開白也真無敵登壇大將才
鉤佳句出嗚咽壯心哀自有忘言理無勞知者猜

二

蓬心不鄙棄提誨是吾師白雪遂孤唱青雲莫妄窺還
憐逢世拙未恨著書遲寥落千年後桓譚徒爾爲

與熊次侯夜話

貧添百費官爲累久客無家誰共愁日月催人白髮
乾坤何處借青眸桑乾水凍風無敵大漠雲深雪欲流
試誦懷鄉王粲賦瀛洲亭上望荊州

竹月

冬深明月滿長安竹裏清光此地偏水漾空庭結荇藻
烟浮玉闕響琅玕天邊自合飛孤鶴人事何當照歲寒
賴是羊裘堪禦冷不妨深夜酒杯乾

冬日偶成

深冬有白日陽德爲可親啼飢與號冷照之無不均浮

東村集卷一
雲有異志掩蔽欺窮民人窮愈咨嗟顛倒觸其嗔招引
風雪來萬里無晴暘窮民盡凍死僵骨莽如銀嗟哉計
何愚白日終陽春

二

天道有終始人事有古今節序雖云暮何與達者心達
者恒高蹈客子獨悲吟魚亦潛淵底鳥亦棲舊林人生
但羈旅淚下誰能禁

三

憶余稟微尚章句學為儒器識實凡鄙展轉成迂疎哀
哉志不立始路遭艱虞既已戀視息那能棄妻孥旅食

無長策俛仰空嗟吁

賦贈高久之并上李雲許年祖

公孫四十未為儒牧豕大澤行讀書人生遇合但時數
况君猶是三十餘二十年前舊窗友麻鞋也向長安走
捨舟登陸殊慙勤杯酒之外吾何有惟有和氣可為春
攜將兩袖謁仙人仙人丹顏飄素髮山月羅浮照幽真
真氣雷隨數長至一星南極垂佳瑞清歌妙舞好兒童
窈窕兩鬟珮羽翠仙翁最篤渭陽情舅氏門中窮弟兄
對酒還思李供奉故人莫怪公孫弘

臘十五夜步月

東村集卷一
月色元宵近真為隔歲明柳梅暄臘節燈火擬春行宿
鳥深無影河流凍有聲可憐猶物役叢桂小山情

二

羣動隨虛照清輝萬里開天心終曠遠人世豈塵埃孤
鳳飛難下雙龍去不回何人曾市駿擾擾滿金臺

除日

除日吾何有塵勞甘若茲違家已四載強飯猶三時跼
躄人前默顛狂醉後悲功名乘壯氣躍馬是男兒

二

白雪何人調黃金此地臺長歌一振木天地若為開事

業從時數賢豪但草萊寧知逢晚歲今日更悲哉

三

兒女煩相累生涯計自難田園憑廢墜鬢髮任凋殘寂
寞嫌高隱榮華艷大官誰云千載後不向此時看

四

鼙鼓無三晉犢牛有二東人心傷節序天意喜浮同客
淚濁醪裏年光急電中餘生隨草木翹首望春風

題張幼諒寶劍

幼諒為華東
先生公子

世有古物莫他求日月常明江河流我生之初不可究
屈指或與軒皇遊周鼎商彝旦暮哉區區寶劍胡為來

東坡集卷一
世人寶劍不寶土劍芒入土生青苔入土出土劍有時
張公遇之張公知分貽令子意良深孰者為雄孰者雌
雄飛雌舞誰能見夜中光怪生雷電丈夫當斷且須斷
寶劍不割為人玩

壽李雲許年祖

壽詩成泛語此作獨不然七十古來少况復餘六年高
才謝當世吾道在林泉白眉好兄弟香山結勝緣翩翩
雙鳳舞玉樹植庭前孫枝新挺發茂與祖槐傳流霞引
丹頤雪花照賓筵還應念小子付我苦雨篇陽春愧難
和小子何有焉歲歲為俚句計首當至千

壽邑令

甘棠樹下召公在姑射山頭仙令來海上探籌加百裘
雲中飛鳥傍三台風吹庭鶴餐靈雪月照堂琴動早梅
律協黃鐘多瑞氣千家祝頌笑顏開

丁亥除日東高念東

何堪好友賦離居快此長安共歲除善病逢時生感慨
家貧經亂益清虛星文午夜臨丹闕雨雪空山冷素書
酒泛椒花存舊事眼前知己未蕭疎

戊子新正四日

萬里車書新正日一雞二狗及羊豕回首三冬如逝波

警心忽悟年光駛不見長安飄瑞雪但聞山谷開桃李
卜歎占豐實所憂口腹生涯未遽止驅馳羸馬行已懶
袷服高冠行自喜望門投刺殊慙勤賤名幸此通鈞耳
闍人冷眼鼻撩天下氣低聲終不理人生少壯何爲乎
嘆息歸來對妻子

人日集

帝里風光新似昨家鄉兄弟幸能同相期樽酒尋常會
各據棋枰意氣雄入夜燈花懸皎月迎春雲影動飛鴻
此人此日真難負好向鬚眉問始終

二

連朝奔走殊堪厭把臂高齋樂有餘欲踏梅花西嶺雪
何煩籀篆北山書筵前苛禮已全減酒後狂言未盡除
我輩同心窮自可生涯莫道曳長裾

穀日集

穀日占年最喜晴良朋相召即能行入門一咲無他說
握手三人見此生雪滿齊郊應擊筑酒酣燕市聽彈箏
東西十里長安路跨馬歸時隨月明

署中春雪和韵

近接春雲別殿高風吹瑞雪供仙曹輕沾苑柳疑成雨
密灑墀松頓起濤鶴語共傳何日事羊裘獨釣此人豪

東坡集卷一
遺蝗但使消能盡四海歡聲入彩毫

二

昨日霧餘此日陰銅龍晝靜漏聲沉雲連大漠無朝暮
氣結飛花自古今瓦硯敲冰詩料短竹爐籠火酒情深
陽春幸喜聞高唱剪績寧知造化心

花事

花事非吾事春深竟若何尋芳蝶自舞遣興鳥還歌大
劫荒荒轉餘生草草過無能相慰藉只此坐蹉跎

署中

每擬尋春春已暮只疑春向署中藏愁侵瓦硯詩無興
嬾與匡床睡不妨石砌經行花尚紫飄風欲至日先黃
同儕杯酒皆難事海上家園望渺茫

二

紛紛紅紫誰能見瑣日籠烟殊可憐雨霧溟濛龍臥裏
塵沙恣肆馬蹄前朱樓翠幙虛山色檀板金樽實勝緣
幾處甲兵渾未解郊遊甘負賞花天

初夏過淨土寺舊寓書懷

車馬塵灰處處逢幽懷蘭若每能容浮雲靜照留春草
白日高懸動午鐘貧病老僧猶好酒去來孤客總竒蹤
同時良友空相憶獨向荒涼問古松

仲夏送張幼仁

長齋半世在家僧
白業深期取上乘
薄宦何緣違素志
專城或可見功能
江聲棧底千崖合
雪色山陰萬木層
地僻民勞煩撫字
賢良計日有書徵

立秋日飲汪園

卜日同人集迎秋
一徑開學山成洞
壑出樹得樓臺爽
氣非關雨閑情任
舉杯探幽初命屐
詎忍破莓苔

二

雙闕雲中落千峯
牖外懸榴花紅噴
火蕉葉綠抽箋揮
塵清談洽依人野
鳥還長安添勝地
未信武陵偏

三

烟蘿藏曲磴几席
此能兼瀑水疑侵
座荷香暗入簾塵
氛清襍穢耳目借
鍼砭下榻因緣好
淹留定不嫌

四

面勢軒楹敞琴樽
具不移莎光涼入
戶梧蔭碧生池待
月開新釀畏人護
舊籬獨餘濠上客
興至可無期

五

位置存幽意飛虹
跨綠波虛明排戶
牖杳靄接巖阿潑
墨看前輩流觴憶
永和誰云居近市
清興傲漁叢

六

涼益層臺迥叢篁碧欲流登臨時縱目蕭瑟忽成秋白
髮愁全短玄蟬響未休浮生常欲醉更莫覓丹丘

立秋日飲汪園

選地消餘暑名園得共來懽言以永日慷慨任傾杯雨
氣千林合秋聲一葉回誰知城市裏丘壑有新栽

二

拳石爲山意孤峯當戶懸深崖安老衲絕壁掛飛仙薛
荔虛相引蛇龍怪自牽流觴有曲水即在洞門邊

三

荷花看不厭山下有深池汲灌通人力栽培相地宜隨

風香入座對酒艷侵卮午夜橫橋月幽輝最爾時

四

面水軒楹豁紗帷映竹簾雲霞朝入檻星漢夜窺簷棋
局聲相應醇醪醉不嫌高吟饒白雪詩律示深嚴

五

軒後園林出客懷足放歌梧桐行自落楊柳奈人何易
水風流盡黃金意氣多時名知近遠勝地且婆娑

六

初日照林薄華堂東向暄百年垂古樹一醉藉清樽節
序看雲影行藏叩石根紅塵渾謝絕莫是入桃源

七

萬古西山色高臺屬望周何時茅屋穩畢世竹林幽日
抱銅龍闕天空塞鴈秋主人偏有意嘯傲任淹留

八

勞生終欲息蕭散係予心斟酌高言足蒼茫日色沉歸
途嬾命騎倦翼競投林別去忽疑路重來何處尋

謝劉薛兩夫子見招金魚池

六月炎蒸消欲盡習池潏灑澹高旻吾家渤海依夫子
自昔蘇門見至人坐對壺觴傾綠蟻行看荇藻照朱鱗
醉來極目西山色壑洞寥寥無四鄰

二

新秋皎日晶相映把酒憑軒四望遙帝闕雲開千仗下
齋壇樹擁萬靈朝江湖浩渺牽遊子市里囂塵渾野樵
杖屨從容欣侍側玄言似許聽清韶

湛恩

湛恩先侍從嘉惠應秋風錦綺來天上光輝照日中緘
題寶墨黑藻彩異葩紅織自鵲橋就香依銀漢通金盤
承露潤玉署切雲崇杼軸東南力衣裳臣子衷帡幪歸
大造曲踧省微躬虛有雕蟲技慙無繡虎功玄纁深懷
息束帛厚遭逢喜起千年泰春温萬國同

送李匪莪按河南

柱下乃爲真御史古來名勝是中州日高高嶽雲邊出
地敞黃河天上流當署乘輅霖自注迎風搖筆樹還秋
祥鸞但使聲先達何處飛鴻不可求

二

天涯兄弟每忘形早暮相過輒到庭此去逢迎多禮節
寄來尺素有郵亭花香入夢同談咲草色生愁與醉醒
爲憶故人耽寂寞閉門細註太玄經

歲杪咏懷

官閒性懶求無事直欲經旬不出門一榻琴書消白晝

千家燈火報黃昏蠟梅花是自然發翠竹色非矯強存
賴爾寂寥堪自遣休云素業在丘園

二

臘月嚴寒傳自昔今年竟暖事如何莫愁梅柳侵春令
且喜冰霜見太和帝欲銷兵息戰伐民將于耜起謳歌
羊裘即敝寧須戀便擬春衣踏綠蓑

題丁汝水永思堂

海上世家誰第一漢朝冠劍太丘餘龍文司馬籌邊草
鳳翥山公啟事書庭樹迎春宜晝永筆花燦斗對窗虛
高懷大業千年事叢桂旋看駟馬車

歲杪咏懷

歲晚望鄉心飄搖久爲客日月無停輪留之安可得客
心不自持已被春風吹春風年年有遊子何時歸

二

冬日溫和甚春風故厲吹羊裘仍氣象羸馬任驅馳冽
面吾當受摧花莫爾爲三農方有事寒苦更依誰

三

寂坐慙官俸微勞慰素心縱然經病苦未敢廢詩吟山
色看塵湧河流帶凍深世情休懶散天意正難尋

得雨

旱魃敢雄行厲氣蒸在宥澍雨不終絕蒼蒼意良厚老
農喜復憂拮据事難副旣思種禾黍又圖蒔菽豆望月
飯犢牛窺星補屋漏不辭在泥塗何暇聽簷溜兼恐遲
官稅拘繫廢耘耨倘非賴仁宰靈雨亦無救豈徒頌祈
禱精誠神所佑

秋

真有秋聲至空齋坐自聞客心驚落葉天意變浮雲倦
雨龍當臥隨陽鴈易羣悲涼千古事惘惘向誰云

二

獨立觀天地凄然嘆杳茫竹枝吹嫋嫋山色遠蒼蒼禾

東坡集卷一
三
黍雲千畝蒹葭水一方只今成悵望莫是限瀟湘

三
所事成虛願侵尋見二毛微風行薜荔積雨長蓬蒿
鴻鵠飛難下驂騑走亦勞猖狂誰慰藉失路任悲號

四
自知無一可弱質任憂孱田舍人依舊江湖鷗正閒
平生翻白首憔悴有朱顏况是新秋節摇摇寤寐間

五
荒園聊結構雲日淡晴暉草閣通西牖竹簾護北扉
生涯學樹藝物理看輕肥縱在紅塵裏秋風無是非

六
寂寞豈吾好逢迎媿不能齋心青鳥使蛻骨白雲層
世事餘朝槿虛巖有夜燈賞音千載後為理舊朱繩

七
莫云終不解顏色亦應知河嶽曾何處風雲復此時
溫涼須有節榮悴更無私宋玉徒狂客嗷嗷祇自悲

八
習氣隨蟲鳥悲吟及早秋閒花承曉露落日下寒流
對酒思常醉勞生期暫休古人如可作何者是吾儔

九

亦有烟霞癖林臯日往回鹿門傳舊事屠市隱真才水
漲魚梁沒雲輕鳥道開濁醪堪自適瀟洒共登臺

十

鬱暑時當退秋雲散作霞長貧惟減事久客竟忘家月
色含流火砧聲雜暮笳三都詞賦在猶有後人誇

新秋咏和敬哉玉立諸同館

五雲深護日華明菡萏波澄太液清授簡幸逢東觀盛
移文慙負北山盟琮璜肇舉周三禮版幹重開漢二京
即擬橐弓銷戰伐還期豐稔誌昇平

二

帝里風烟入早秋鳳城鼓角出層樓無邊草色孤鴻過
一夜星文大火流臥病相如聊著賦高歌宋玉亦悲秋
連朝雨霧濛濛裏幾處江湖泛野鷗

三

西來山色翠相仍白鳥飛還第幾層古木寒雲封斷石
玄宮斜月照觚稜羅衣紈扇爭承露玉盃銀絲醉倚燈
上苑梧桐猶昨日秋風休過漢諸陵

四

書生禮樂空談日大將勲名列土時五嶺樓船餘寶玉
九州供賦亦刀錐驕鷹氣挾風雲起小草心啣雨露私

寂寞揚雄無一可立成皓首未為遲

五

何處吹笳傍晚哀天清雲漢自昭回真成兀坐身如木
似有深愁意欲灰鴈侶先辭青草塚霜花已動黃金臺
那知燕市人寥落擊筑當年一酒杯

六

茅亭風雨晝長陰獨對蕭條嘆不禁稼穡今時逢獲落
文章自古惜浮沉三秋故起蒹葭色萬里虛懸騏驥心
莫擬朱絃真斷絕天空木落亦清音

七

又見秋光處處新微軀作客尚依人天懸銀漢通牛女
露下銅龍降鬼神避輦紅顏甘自老據鞍白首氣難馴
也知搖落從今夕奈爾砧聲起四鄰

八

急雨傾簷入座喧悲涼無奈客懷繁愁中青鏡方含雪
望裏白雲正倚門落日烽烟通海戍微風禾黍散高原
最憐遊子長留滯况是秋聲滿故園

九

蛩吟詎是訴蹉跎裊裊庭花露漸多北地雙砧懸皎月
西風一夜渡黃河腐儒枉自惜螢火隱士真當念薜蘿

海上三山誰得見空聞秋雨打漁蓑

十

元龍湖海意何如歲月棲遲倚玉除河朔秋聲連塞遠
漁陽返照過林疎墻東即可從牛僧廡下誰能挽鹿車
橐筆祇今無一字名山且俟十年書

范仲亮曰憶辛卯歲尹先之來自都門言公新秋
吟和王立荷詩諸老詩人皆推服獨步一時且上
苑梧桐二句吟家人人傳誦今觀
其全殆不減少陵秋興諸篇也

話鄒馮諸君子遺事感賦

爲道昔賢出處同憂思猶得見唐風玄黃構鬪由三案
黑白分明有數公碣石新秋芳草碧薊門殘雨晚霞紅
何人復化歸來鶴洒淚山頭坏土中

古意二首別梁玉立

落葉豈無蒂浮雲亦有根人生感離別動如飛鳥翻秋
風吹明月搖搖千里魂洒淚向天地深懷未抱恩

二

長安古道裏塵起與人平昔人既已去今人復此行不
見黃鶴語但聞班馬鳴勉哉勿相棄永矢歲寒情

送高繩東

繩東念東兄也巳卯東國
解首丙戌進士休致甚早

欲去便歸去閒身好自由高歌燕市罷明月故園秋匹
馬隨陽鳥寒山抱戍樓江湖方浩蕩萬里一虛舟

兄弟文章傑獨登大將壇風雲還奮發日月忽艱難客
况餘生在秋聲落葉殘濁醪隨處有不必望長安

李匪莪自中州回往晤因留宿

青驄殘暑憶離筵帝里新秋又一年來自故園芳草路
還看嵩少白雲天樽前握手人無恙醉後論交事可憐
剩有愁懷難遽數且將涼月照高眠

八月十四夜同劉宋兩年兄飲匪莪寓是夜無月
每過忘形坐不辭將圓月色故遲遲浮雲緝可人情見
濁酒狂歌我輩知况有佳人能鼓瑟何妨深夜更彈棋
可憐俱作飄零客聯轡秋風是幾時

十五夜月再集匪莪寓

昨夜微陰今夜晴今年月比去年明騰輝已覺羣星隱
濯魄常含萬古情洗盞還斟燕市酒開襟故傍越娥箏
須知盡洗風塵色桂樹天香滿鳳城

八日飲金魚池

十里蒹葭一水通開筵面水過秋風城隅返照明疎柳
天際寒雲沒晚鴻對酒不辭人共醉聽歌聊復意為雄
明朝勝有登高會預指千峯翠靄中

九日

東村集卷一
秋光澹蕩真重九良友招攜發興新近野黃花應自放
當空白日轉相親狂吟未敢虛佳節濁酒還堪慰古人
便擬臨風同縱目只愁高處轉傷神

二

搖落重陽劇客愁望鄉我輩復登樓三方鼙鼓臨河上
萬里梯航自越州書生懶慢差同病老將飛揚未倦游
寄語西山紅葉路芒鞋竹杖定相求

送張蘧林

交游滿座紛誰如迂鄙深慙禮數疎不爲羣賢容泛及
何由得寄故人書燕山木落秋聲急越水舟輕夜月虛
射策名高榮晝錦時清非是戀鱸魚

偶題

室如斗大又雙扉夜半還來燈欲微地老堅冰餘水活
天高明月數星稀青山結社人猶是白業同心夢未非
試驗黃鐘消息處陽春終向吾徒歸

已丑冬暮胡韜穎僑寓真定僧舍

匹馬隨風只慢遊天寒歲晚向誰投浮塵不壯青雲氣
落日偏牽白髮愁即有椒花足對酒何堪雪葉故侵裘
爲尋蘭若棲心地午夜鐘聲客夢休

二

憶昔長安初把袂風光物態尚繁華黃巾白馬方無藉
綵勝椒盤自鬪花痛哭書生獨報國悲歌壯士不還家
那知此日逢新歲又向中山聽暮笳

三

春來遊眺思子甚成德軍經百戰過大野人烟依日少
兵屯鼓角振雲多乾坤不用雙揮淚歲月還堪一放歌
浪跡何人非逆旅便從此地混漁蓑

四

朋游京洛日紛紜念子軒軒迥不羣元龍厭作求田計
司馬羞傳論蜀文霞氣太行高處見鈴聲佛閣靜中聞
便與僧家叅至理升沉真可視浮雲

五

依棲天地亦堪哀渺渺白雲入望來客路塵沙聊駐足
烽烟落日莫登臺南州下榻留徐穉北舍懸幃慟老萊
黃石昔曾傳妙略蒼生終借濟川才

六

烈風吹日濁河鳴絕塞春寒鴈北征客淚窮途悲令節
禪心丈室慰餘生塵埃仕路經三已洞壑虛聲試一行
倘遇餐霞真隱在須知吾黨係浮名

庚寅元旦

東坡集卷一
三
北斗迴元化乾坤歲序更風和金殿迴海暖日輪生喜
見鸞鳳集春隨梅柳行深知垂帝鑒下土願昇平

初三日立春

元旦過時纔立春春光嫋嫋便傷神堦前撥草看童子
壠上占雲憶野人絲菜猶勝京洛事桃花欲泛武陵津
斜陽獨立空搔首奈此年年羈旅身

送王雪園按畿南

畿南最重巡方地海內澄清視此行驄馬昔聞能解綬
犢牛今見欲銷兵民心繁苦兼憂旱天道深微自好生
且喜春風隨攬轡太行霞起日華明

二十四日

十年絳帳違顏色一日檐帷入鳳城面目相看足痛哭
心懷欲訴奈縱橫冰房劔室今時事聞海燕山萬里程
僧舍依然舊鐘磬因緣彈指便三生

二月十三夜月暈

下土方憂旱天高竟未聽暈深僅露月霧重盡迷星
塵
魃傳風角芒神亂水經虛愁花事近草色爲誰青

贈朱嵩若

執法尋常事闕然俗論驚人心難古道我輩固書生
筆
墨留元化菁莪報太平乘驄花正發千里聽啼鶯

春日

春日遲溫昉低回戀敝裘迂疎交自澹潦倒病何瘳驚
馬依墻臥蟄蟲出院遊兵戈只未息莽莽在神州

寒

節序今無信春風翻太寒凍雲掩白日濁霧滿青巒不
惜園花困只愁壠麥乾郊遊那可卜客淚自闌干

北極

北極羣星會南宮博士家春風行砌草皎月照庭花世
路慙相許詩名敢自誇殷勤盡一醉有酒向鄰賒

又

高談衝意出客悶頓能開管晏齊人事鄒枚漢史才河
流橫大陸地氣轉春雷會有魚龍躍終難滯草萊

又

冀北諸雄地山川百戰殘諸生猶聖業博士亦朝官雨
洒松杉秀風吹苜蓿寒深居餘著作取次報長安

又

朗朗開庭異雙懸照乘珠降心修近藝昂首問天衢五
鹿談方壯元龍氣不拘千秋終借賴把盞莫躊躇

李錦秋還郡

歷下才名著翩然作郡丞邢州不寂寞山色白雲層落

日懸孤塞春風度馬陵薊門遊倦後客路欲飛騰

二

漢吏朝天日承明謁帝還交游堪白首來往見青山佐
理無誰等津梁有要關風河方漲溢切莫損朱顏

三

啣杯春欲盡分袂重添愁薄宦希知己微官未敢休河
山憑制府日月照幽州倘借君前箸安危試一籌

四

磬折真何意崎嶇外吏勞大風吹短鋏寒雨透緜袍世
態餘千變浮生早二毛漳河衣帶水春色正滔滔

送賀紫翔

紫翔丹陽人其先人仕於南故有家難
紫翔戊子試南闈擬解首以詩末篇不

合註抑為副榜第一以
副貢試選部復第一

落拓因家難崎嶇入試勤明珠雖按劍駿足自超羣暑
雨山煙合江流樹影分還鄉聊慰藉生事尚紛紜

贈李巨源

公孫牧豕胡為乎讀書大澤乃其徒後來天子用桑孔
平津開閣將招儒人生何必不貧賤呂望釣魚兼負販
可憐售豕多齊人放下屠刀君自見吁嗟乎放下屠刀
君自見

先農壇

東坡集卷一
逃暑尋幽處良朋把臂行齋壇雲物聚絳閣日華明農
事關天意玄言澹世情涼風虛自至便覺座中清

二

彌望濶無際經行路欲迷草深驚兔起樹老看禽棲對
局浮雲過啣杯落照低古來河朔意何事可能齊

三

坐久囂塵絕明霞動晚林柳巢千鶴暝殿表一龍吟勝
地通靈氣歸途見客心良苗急望雨西北莫虛陰

寄梁玉立

旱氣灼人行不得經旬相望意悠悠悲風搖木偏多恨
落日荒山足自愁自昔蛇龍傳讖記只今魚鳥亂沉浮
那堪夢醒空堂後幾度淒然近早秋

旱

六月不雨天如焚鬼哭民號天不聞草木皮毛焦欲死
魚龍展轉河之濱吁嗟乎草木無知死亦可魚龍水族
安足云民爲國依天所恤旱旣太甚將無民我聞自昔
桑林禱天道感格在聖人若能有備亦無患七年國計
未全貧十室九空可奈何敲骨吸髓正催科縱使豐熟
辦不得况逢大旱難騰那吁嗟乎爾民何如草木無知
不畏死水族飲水寢其窩

東坡集卷一
三
贈函樓主人

望遠心難已登高興不違明霞橫自落野鳥過還飛散
帙看今古酣眠謝是非懷鄉誰作賦樂土足相依

賦和秋牡丹輓趙問源夫人

一落塵網中抽身苦不早非獨道力薄妻孥令人老趙
子實超然煙霞滿懷抱耦耕賴賢達無累以爲寶嗟哉
何遽逝乘鸞向蓬島聊復發竒葩取照秋陽杲春花雖
爛熳秋容晚愈好至理無榮枯此意期相保

壽馮孔博

桑弧夙壯志玉署近長安歲月銷沉易生涯進退難草

玄竒自賞撫鋏靜相看沽酒今朝醉松筠照暮寒

二

四十足聞道君今餘二春青山須卜地白髮便侵人鄰
舍時相過交情窮更真定知高閣上早爲畫麒麟

壽薛行塢老師兩尊人八十

不意蘇門嘯雙成吳市仙齊眉饒歲序偕隱重林泉共
慶生申旦同逢獵渭年方欣鳩杖健更樂絲輿便冀缺
常相敬龐公匪自賢丹顏互照映黃髮對踟躕南極星
光燦瑤池月影連靈芝生閨苑美玉出藍田道德程周
上雅騷屈宋前佇看調鼎鼎即可靜烽煙養志風雲際

東坡集卷一
承歡日月邊定知桃似斗並蒂歲三千

歲暮咏懷

寂寞年年慣交游近益稀閉門無一事默坐念前非硯
水噓猶結爐烟發自微吾生同旅泊回首定知歸

二

三冬行已盡一病幾時瘳不解尋丹訣何勞嘆白頭寒
鷄號未止駑馬臥須休聞說黃河水連冰入海流

三

當時曾少小觸事甚精神市里團團走衣冠簇簇新至
今成悵歎兒女漸爲人一室垂頭坐椒花念老親

四

空想豐年瑞何曾見雪花寒風連地起澹日過墻斜米
貴難沽酒薪希自煮茶蒼生餘凍餒翹首望天家

辛卯人日同念東過王敬哉齋頭飲酒胥庭時在
座次韻奉謝

久住異鄉爲異客恰當人日見同人西山冰雪餘相照
東壁圖書靜自陳我欲狂言忘閉口誰逢美酒怕沾唇
那知老鳳羽毛健一曲能吹萬物春

贈竹菴上人

一衲隨身也偶然和風二月帝城天行人欲問臨安路

東坡集卷一
潞水灣頭有去船

二

饑食白飯無多子
渴飲清茶量太寬
縱是談禪須氣力
可憐病眼向誰看

送馮孔博齋詔下江

京口遙連建業開
金山中劃大江迴
東南名勝曾遊處
詞客新啣鳳詔來

二

粳稻千艘吳地有
綺羅萬戶越中同
此日朝廷恤物力
陳詩應爲問民風

三

鳩鵲觀前雲漠漠
鳳凰城外草青青
殷勤酒休辭醉
筵上驪歌不可聽

四

王程也許暫還家
遊子相看鬢有華
十二齊城眼底路
春風吹不到天涯

贈李匪莪

春樹春花發帝京
一枝憔悴獨含情
惠文柱後看新製
驄馬風前聽舊聲
懶病自甘從廢置
疎狂焉得至公卿
垂綸海上年來約
待我持竿踐宿盟

贈文六符

公車不復問承明野服騎驢亦宦情說劍未逢燕市客
論文曾屈濟南生年過半百畏多難才本無雙就一城
淚落蓼莪詩久廢春花無艷鳥無聲

贈杜明府

燕山三月杏花飛樽酒平生願不違作吏勲名雙短劍
思親歲月一麻衣趨朝自覺風雲起按座爭推海嶽歸
祀事桐鄉猶社稷令公終可佐綸扉

喜雨

年來憂旱切對雨喜難禁極目烟雲色當簷珠玉音良
苗時可及隴麥秀能深方悟餘生理無私帝者心

二

未惜羽毛濕凌風燕雀狂彌空雲不斷入土雨皆香草
色侵鸚鵡桐花引鳳凰如泥拚一醉急爲理壺觴

雨不止

昨夜到今夜淙淙不住聲星文當戶隱水勢向堦平饑
鳥棲難定寒鷄困且鳴人心那可卜番轉欲求晴

上梁年伯

大風一吹天地黑鬼神潛移日月蝕蒼梧雲深帝子愁
鼎湖龍去無消息黃鵠高飛可奈何古來螻蟻亦良多

東村集卷一
扶桑旭景照四極寶馬珊瑚炫綺羅五噫歌成有一士
冥冥鴻去得所止把盃不顧中山人擊筑偶過荊卿市
荊卿既去不復還春深易水春花殘落紅飛絮強顏色
自顧深慙幽谷蘭

贈戴巖犖

長安遊倦客嘆息向春深山色從朝暮花枝自古今焚
香聞靜理擊筑見遺音世上升沉事何關達者心

二

國計司農重年來事事難朝廷方用舍吾道合盤桓一
室春雲入千家夜雨寒蒼生足悵望高臥願加餐

爲屋將成慨然有咏

微生托聖世小屋自經營既使當風雨還堪怡性情花
香從牖入日色向窗明大造容棲息鷦鷯事已成

二

或曰屋華矣實非分所宜不知筋力盡寧免匠人欺羸
馬衝塵後匡牀就枕時炎涼相慰藉病骨敢無私

三

爲戒思三瓦求安就一椽面南朝北地春盡夏初天砌
草芽還出盆榴花欲然虛庭恣眺望燕雀正飛旋

四

東坡集卷一
三
餘地留栽竹當堦先植松和風來澹澹好鳥語嚶嚶與
友交棋局論文把酒鍾翻思三徑在無奈野雲封

春暮過熊次侯寓併慰其歸心

到門不忍去接座便深論世事知吾懶交情念爾真居
家隨逆旅把卷避緇塵大業須韜晦時名亦損人

二

不是登朝易爭知入里難花殘江水暗麥秀壠雲寒萍
梗殊多慮琴樽且自寬清時新氣象草野正彈冠

初夏成均課士有作

萬古斯文遊處地時清更得見羣才虛庭日抱松杉起
廣廈風吹燕雀迴駿足不難塵外試明珠定許網中來
須知聖主求賢切共道奎躔近上台

贈齊价人

南國知名士成均亦壯遊煙霞清自賞耳目靜能收羸
馬衝塵去長衫入夏愁談詩多妙理接座許相求

贈潘宗海

同作京華客偏深故舊情眼中雙白髮袖裏一青萍搦
管餘佳句談經負盛名少年多意氣倒屣尚縱橫

送孫枚先祭浙鎮南海便道還里

詔發太常蒼水玉親持祠部紫泥函龍蛇冠劍塗山北

翡翠珊瑚粵海南萬里王程遊自壯千年勝蹟到應探
聖朝近日多新政過里先爲父老談

送白東谷祭孝陵南嶽

君如璞中玉清廟瑚璉材我比他山石頑鈍宜塵埃美
惡不相棄切磋十年來東觀同朝夕談吐無嫌猜知兄
憂患意臨事多徘徊弟輒謂不然直往何疑哉孝陵歇
王氣祀事猶昭回螻蟻我等在高皇有鑒裁祝融鎮南
極金碧通牛魁飶芬銷兵甲炎方瘴霧開還家拜老母
悲歡情俱該出處未敢述戲綵且嬰孩寒暑慎裘葛長
路此其纜

送劉老師奉祭事於山東

霓旌霞仗自天開十二山河入望來桃李當年新雨露
風雲今日古樓臺金函乍啟神靈下玉版初傳海岱迴
鼎鼎宣麻知在即錦衣未得滯追陪

送謝苧蘿大司農還山

苧蘿章丘人萬曆丁未進士國初漢人正司農位公

其首也
尋早歸

浮沈宦海幾人歸先進風流竟拂衣鄉里歡迎几杖入
朝端悵望典型違長山出岫雲仍卷繡水澄波鷗共依
無奈蒼生思太傅炎蒸且可臥荆扉

與劔浦含章對雨

東村集卷一
三
虛庭風雨坐中過好友忘形咲語多地漲簷流懸瀑布
天迴雷馭瀉銀河松梢綴露珠千點榴蕊承漿玉一窩
却憶家園烟樹裏牧童牛背正謳歌

寄懷梁玉立

念子如春樹枝條入夏多麻衣驚乍釋麥壠痛常過夜
坐當星月行吟到薜蘿高春應未起那復問鳴珂

二

只是經年別搖搖緒屢更功名今日事涕淚古人情不
敢叅謀議曾聞憂聖明梁鴻猶遠跡講席媿桓榮

新苗

近城村落盡蕭條乍喜平疇見綠苗好雨飽經根已固
微風欲過葉還搖

晒網

漁翁晒網石橋上橋下潺潺過水深多少行人忙不徹
臨流那復羨魚心

河邊

波紋如掌御河平踏草籃輿照水行只似幽人山下路
孤雲過樹亂蛙鳴

壽范中堂

中堂號峴斗豫章人家世
遼東開國第一宰輔也

東壁推元老長庚照素顏持衡清似水執法重如山報

東村集卷一
主心常赤憂民髮早斑龍圖方藉賴未許一身閒

二

稷契平生志恥言霸越功即今堯舜世何必五湖中履
聽星辰上霖知草木同懸弧嵩嶽意壽考俾年豐

初夏贈谷太玄

經年不出戶近且教諸生咲口殊無倦安心若有營新
篁雲共起古屋月孤明知復耽佳句時常頌太平

瀛洲亭見白鸚鵡

白燕何時去未回瀛洲亭上雪衣來天高鶴馭秋風便
地近龍樓日色開影向玉堂清自照心依雕檻靜無猜

笙簧知爾能傳語好記南山萬壽杯

次岳朋海韻

朋海同年同館

欣逢舜日賦南薰簪筆同時傍五雲鴛步深慙龍作友
蝸堂且喜鳳來羣雙松接座蒼烟合孤鳥凌空皎月分
乍覺蓬茅生氣色那知樽酒藉雄文

年家眷同學弟新城王士禎校閱

東村集卷一 終

東村集卷二

霑邑李呈祥吉津甫著

使程詩刪 自序

使非以為遊而有其遊遊不必於詩而有其詩若
 夫望切於里閭者不及辭感深於疾苦者不暇狀
 勞於跋涉則力疲煩於酬應則志棘遇名勝而精
 神不接則物遁當咏歌而學問不副則思荒是為
 不文類成虛往故其詩可刪而不盡刪以著其為
 使而不能使而遊道缺如也

十月三日發自武定與蘇竹浦話

竹浦適罷秋闈
余邀之南遊有

作

驢背十年事同來話舊遊風雲瞻北闕旌節指南州水
勢通長岸山容帶晚秋君寧終鍛羽未可厭征裘

齊東道中

平田高樹半青黃衰草淒淒蘸晚霜茅屋炊烟人乍起
依稀麥隴見牛羊

望長白

羣峯忽遠近翠色照秋殘倘有烟霞客遙從馬上看

長山驛中夜雨

水齧孤城盡荒涼驛館開團雲奔若駛急雨響如雷畫

閣空巢雀殘燈閃落煤離愁今夜合裊裊夢中來

徐海曙投詩見邀即次來韻

悲歌燕市乍論交俯仰千年足共豪此日真來床下拜
風塵枉自媿衡茅

六日長山道中大風

雨氣散還聚煙巒低復高迷雲連海濕大野任風號鴈
羽殊難定蓬根豈易牢王程須計日馬首敢辭勞

宿金陵驛讀壁間憂水詩感賦

皇華古驛倚山樓向晚長途此暫留禮樂三千來上國
山河十二入齊州寒風未厭村醪薄落葉偏生客子愁

東坡集卷二
二
杼柚二東今蕩盡波臣應切廟堂憂

驛中晨起見落葉

寒風吹樹樹無遮落葉空庭似落花正是游人看不得
老僧掃去煮山茶

將至青州聞馮孔博在里喜極走筆遣寄二首

託迹長安幸比隣天涯兄弟久逾親看花每是聯鑣出
飲酒常忘報漏頻我自和光甘守異君雖彈鋏未憂貧
登堂預作十年約握手深談快此辰

其二

丹鳳九天相繼下山川南國似同遊高歌燕市經年別

美酒平原十日留家自先朝稱渤海人從古道望營丘
瑤箏錦瑟今能否跨馬應須到郭頭

七日至青州晤孔博始知其病瘡者久之幸漸愈

方卜新居即日見邀爲賦

清霜十月念離羣叱馭趨城急晤君不意江湖秋臥病
至今山嶽晝窺雲鄒枚筆札如傳世管晏魚鹽亦立勳
高厦初成爲下榻夜闌應見動星文

青州曉起

曉日萬家烟霜空樓閣懸西南山作障東北海爲川霸
業看如此雄圖竟杳然昔賢餘勝蹟獨著范公泉

昌樂

邑東孤山
有夷齊祠

壑盡夕陽平高樓見石城魚鹽存物力烟火雜雞鳴
客憐長鋏新醪醉短檠應知今夜月一照孤山清

十六日至日照

邑宰呂翰公為
余戊子取士

連山斜入海野水近趨城日自扶桑出風當碣石生魚
鹽喧市肆竹栢冷簷楹欲識絃歌理應無愁嘆聲

觀海

海去日照二十里近岸古
城為唐太宗東征屯兵處

海岸寒烟迷故城城南高閣巨津平蒼茫不測乾坤意
沐浴真看日月生丹竈仙人曾駐馬梯航盛世莫揚兵
魚龍咫尺如相問洒洒臨風萬古情

其二

乍逢海若亦堪豪極望空憐目力勞劫轉洪濛留斷石
心空波浪見輕舸遙通玉闕懸雙蝶怒捲銀山駕六鰲
指顧東南剛一點不應重說廣陵濤

留別呂翰公邑宰

長吏民之命循良世所希朝衙啼樹鳥午飯飽山薇
令子耽書瘦慈親戒鮓肥別離當此日握手更依依

過海州海口

海風吹雲雲不開海風吹潮潮不迴扁舟簸揚不得住
怒濤急浪相傾催却怪駑駘見水懼捨舟躍入波中渡

東坡集卷二
中流力竭四蹄橫口內噴煙白沫聚吁嗟乎險哉海州
之路真難行却憶瞿塘灩澦平不與
十一月一日至維揚病張穉恭同年來視兼示半
船圖詩次韵
燕市和歌後重逢似夢遊愁從孤客發病爲好朋留隋
苑無衰柳吳宮有斷溝烟霞足自賞應不厭林丘

其二

高談真起疾接座欲生蓮擇地聊都會藏身亦買遷閒
當逐水去醉可抱書眠竟踐十年約攜余雪夜船

揚州書院曉起

寒雲高出樹薄日曉籠烟小身無愁思飛鳴過我前

道中有懷蘇劔浦別駕之平陽任同令兄竹浦作

劔浦少同硯席以
副榜貢判平陽

憶子春初入帝京黃花開盡送予行臨岐自洒同袍淚
捧檄何辭下吏名水漲鈎盤猶故土山標姑射是堯城
逢梅欲寄江南客况向池塘夢草生

儀真道中有感

五日揚州客茲晨得暫晴籃輿青草藉駿馬大堤行遠
樹籠烟暗輕舟過水明忽聞鷄犬亂又發嶺南兵

烏江項王廟

東坡集卷二
五
帝業由天授英雄自有神餘威窮大澤壯魄托江濱鐵
馬雲中下丹雞過客陳當時龍戰鬪辛苦在斯人

其二

王漢約終遂誅秦志已平不應寒日色猶作怒濤聲吐
氣千人廢登壇萬旅驚嗟哉竒計者執戟失書生

十一月十日次江浦是夜爲冬至節有述

旅次呼嵩向一城千官虎拜憶承明雷鳴地底江聲轉
月出天中漢影橫龍衮寧煩長線補葭灰自逐寸心生
傳聞絳節方臨塞靜護微陽切 聖情

途中雜咏

啼鳥催晨發凌霜攬敝裘使星搖驛路寒水滯行舟襍
俗常懷土餘生未盡愁古人曾遠略白首事封侯

其二

白日淡無力浮雲斷復連看山惟袖手得句且虛眠汨
汨風塵裏迢迢日月邊吾生甘羈係浪跡欲誰憐

其三

所遇非吾舊南來馬首西人情秦越視客路楚吳迷野
戍青烟斷高原白草齊勞形思懶慢報漏任鳴鷄

野步

乍下嶮巖遠水濱風高大陸亦傷神沙邊鸛鶴慵隨馬

東坡集卷二
天際風烟低近人自逐晴雲徐放步誰回冬日暖生塵
芒鞋竹杖原吾事擬向江梅問早春

過含山留贈朱邑宰

濟南德平人

溪水斜趨一徑橫羣山四轉抱孤城人來歷下齊諸子
令起桐鄉漢列卿落日懸林飛鳥下寒雲近戶爨烟生
即看奏最明光殿謠頌先聞製錦成

雜咏

却似入山深乘輶只苦吟寒天風正力澤國晝多陰地
主顏相問獨胥語莫尋咨諏慚未達早晚制歸心

其二

長堤界水痕烟火數家村老樹橫當路扁舟直到門高
巖防暴虎曲笠長痴豚父老嗟相向皇華又 聖恩

其三

極目唯空濶蕭蕭草樹繁千年餘廢壠二氣變遊魂力
負山河走塵吹日月昏世人拘所見塞兌未深論

其四

病起長途倦山城就草堂寒燈斜向壁餓鼠狡登床不
寐思閒事憂生說藥方莊周曾化蝶此夢未荒唐

半湯泉

暖風忽作曉烟看近水翻驚炙手難劫火要從池裏度

東林集卷二
七
冰霜不許下方寒

其二

溪頭凍合五花文
嶺上寒生九折雲
恰似春光回黍谷
鄒陽吹律莫先聞

巢由祠

祠對澗流清
山高二子名
雲中白鳥過
竹外翠烟生
往事僧難說
塵踪客自驚
因懷三代上
適性未遺榮

十四夜廬州見月

浮雲散盡夜無聲
月出寒樓迥自清
百戰荆榛餘廢壘
三方江漢繞孤城
綈袍久客風先敝
短笛他鄉雪未生

剩有一分寒
桂樹來宵應
傍故園明

十六日晚行桃城

暝色天虛照
長途客暗行
寒冰時蹶馬
束炬遠飛螢
犬吠知墟落
人過辨語聲
月圓猶未減
冉冉出山明

桐城山中

崎嶇鳥道四山封
樹杪飛流度幾重
雪霽千崖懸落日
風鳴大壑起寒松
玄雲入洞關
龍睡野火燒
天照虎踪
七十二峯青
未了黃昏何處數
聲鐘

二十日至安慶爲培原李操撫作

皖口東南護鎖鑰
中丞樞府節雙持
江城氣煖來鴻鴈

海戍煙消臥虎羆
拔石摩天身作柱
看梅對雪鬢如絲
敢云同姓猶兄弟
德業長源信可師

十二月二十七日渡皖城江
戰艦曾聞鬪上游
城邊今見大江浮
排空雉堞依雲立
當午浮圖挂日流
翠色西來雙玉柱
驚濤東下一扁舟
揚帆忽憶乘槎客
天際微茫是斗牛

十二月一日池州山中

臘月真寒月山行風滿林
飄霜先入耳滑磴劇驚心
水落明沙淺猿藏宿霧深
團紅誰綴女冷艷亦難禁

其二

地氣寒從北南行路轉深
魚蝦晨入市豺虎晝窺林
作客從鄉俗逢人譯土音
江干真浩渺何處寄鄉心

初三日青陽署中見白東谷同年題壁次韻寄懷

并贈史邑宰

密樹深崖霧不收
長途歲晚及鄉愁
故人已臥山中雪
使客重逢江上秋
萬里塵踪雙鬢老
九華秀色一時留
還期仙令雲中鳥
筆札同時覲鳳樓

石埭山中

排空無鳥過染袂有雲來
碧玉生春樹丹砂印古苔
飛流千澗折曲徑萬峰回
徙倚登高意還憐作賦才

山下

曉色千峯染黛深一峯晴動一峯陰只疑縹緲仙人住
似有瑤箏天外音

八日至徽州汪拙圃同年飲予雪中有賦

他鄉歲暮奈愁何有客騎驢載酒過雪滿庭陰生玉樹
雲開簷溜走銀河紅梅翠竹占春蚤白岳黃山得地多
回首同遊寥落甚莫嫌今日有悲歌

除夜太平署中守歲

吾生三十五一去忽如鷲飄搖大化中在旅更爲客姑
孰百戰殘城市空蕭索燈火坐夜深鄉土暗相迫把杯
時一歌愁緒共開釋頭顱漸老大業緣日堆積薄俗苦
糾纏聚首竟何益館舍雖荒涼頓與塵事隔居人自勞
攘閒觀成戲劇曠然清心魄晤言永今夕

壬辰元日雷雨

南國春多雨今晨不肯晴霑梅紅漱灑洒竹綠輕盈小
閣圍爐坐虛簷聽鳥鳴豐年宜有兆撼壁怪雷聲

五日至金陵晤劉大祈同門感賦

當時把袂振青雲別後音書更不聞夢入蕉中尋鹿影
聞來江上伴鷗羣陰陽歲序常相轉草木韶華只自分
握手青陵猶看劔肯教風雨妬龍文

元宵同大祈步月

元宵月滿大江空十載相看清影中
南北風塵雙鬢改天涯燈火一樽同
艱難自識論交少老大羞言作賦工
醉起御街閒放步寒烟何處景陽宮

十七日同蘇竹浦暨張孺野季修兄弟登長干寶

塔

東南玉柱立層霄躡雷梯雲上寂寥
下界流金懸日彩天光劈練湧江潮
闌中燈月成三世眼底風烟過六朝
何事大鵬勞健翮振衣早已駕扶搖

其二

梵刹銷沉烈焰中珠光吐月繞穹窿
莊嚴後世人情係締造先朝物力雄
勝地敢云雙妙過清言幸藉二難同
平生徙倚凌雲意極目中原奏大風

牛首僧舍同大祈竹浦夜坐

深山相對愜心期萬壑無聲入夜時
殿古寒燈懸火靜僧間晚漏報鐘遲

坐久見月

夜氣響深幽松濤入座流開門忽見月
望遠欲登樓良友同玄賞雄談破客愁
吾生煩造物蒿目爲誰謀

牛首早起

東村集卷二
一聲清磬破蒼烟策杖凌風自悄然東望海天三萬里
扶桑雲捲日輪懸

牛首老僧索詩口占為贈

牛首春初到禪林日未斜遊人眠藉草野鳥叫啣花鐘
鼓傳新霽香烟倚暮霞容予成懶散也可演三車

二月二日至維揚贈鹽使者張伯行同年

江淮民力竟凋殘鹽筴猶能助縣官兩纜風檣商賈利
雕行枵腹竈丁難持衡幾見魚鱗冊執法今聞獬豸冠
茹蘖含冰真御史青驄莫作少年看

其二

使星搖落散江湖意氣相酬願不孤斗酒佯狂時事有
埋輪丰采後賢無鶯花廢苑猶春色烟雨迷離自畫圖
咲語夜闌真未厭可能把燭問平蕪

十五日至淮水贈馮炳石

炳石弟孝廉
適試春闈

濟北今遊客淮南舊小山春風生草色夜雨媚花顏對
酒鄉心熱聽歌旅况閒白眉方上國月樹早應攀

二十七日至青州馮孔博已入都聞其有分較之

役為賦

往來客路經風雨聚散交情閱歲時為問庭前桃李色
春風已護上林枝

去來不絕然風雨來時交前問豈知然問豈知李詩

野無風

二十一日至青州此詩已入詩前其亦公詩之

西風吹我衣心欲問君言公古士口口欲早秋華

知此公詩之

知此公詩之

知此公詩之

知此公詩之

木齋詩稿自叙

謫居以來閒不可支回思平生曾學為詩而無所成今日之窮不得以詩自解既閒無事亦不得不以詩自解也錄數十首寄諸同志要知人自窮耳非詩之能窮人也

茅屋

浪跡同飄梗餘生寄此椽門開千里雪爨起一窗烟野鹿來相值閑禽坐不還北風吹正力亦是羲皇前

又

朱門餘萬瓦茅屋但城隅好友來三徑佳筵見一壺風

稜穿破壁雪片落微鬚不覺牛羊夕甘隨木石愚

又

虛窗堪縱目大漠遶長河策杖時孤往流雲夜與過名
山今日少好句古人多餘習猶難盡高吟奈此何

又

樹枯成籬落晨光及戶庭寒衾眠不寐薄酒醉猶醒回
首惟長咲安心任短局閒看隴上雪一照遠山青

又

夢破家鄉近身留天地孤何須歌大隱定不泣窮途白
日依窗靜青蠅着壁枯浮生誰係滯魚鳥自江湖

又

常時開口咲稚子共吾真風俗無餘事生涯有四隣土
床憑火熱甕牖上泥新竟似桃源裏安居物物春

初冬送剩師往遼陽

相逢初一笑露頂裹衫遲劍化雙龍合桐深老鳳隨山
川真不限來往自無時流水何人曲偏聞鍾子期

又

家盡身仍在艱難萬死餘詩篇猶不厭禮法未應疎乞
食分松粒披衣坐夜除關山明月滿茅屋共清虛

又

事已今人見名知後世傳談經當白日袖手對青天勝
負殘棋裏浮沉野水邊焚香清夜語流涕媿前賢

又

乾坤還我輩浩蕩即江湖日月懸雙鏡冰霜飽一盂諸
方推老宿隻字了寒儒又念迷津客停橈問遠途

又

舊譜三韓地中原百戰殘精靈皈法席鐘鼓護登壇藤
杖晨風急蓮燈夜火寒早知方丈裏畫壁響琅玕

又

自是經行處仍攜孤杖來名山憑駐錫滄海待浮杯曉

日紅雲透遙空素練開誰云寥落甚萬象自昭回

又

遠念惟詩帙清齋足飯床人皆趨淨地世自重空王鈴
閣寒煙出水簷花雨香孰能分虎席久已潤龍荒

又

衣鉢南能後天迴大道東門庭留片偈法界落雙瞳積
雪千巖曉飛沙萬里空吾徒須聚首彈指見春風

大來舉子

桃葉偏多子朝雲夜不閒丁徭添自累冰雪老成頑叢
桂風前舞霜華醉後斑房櫛膠木咏藥餌定開顏

九日

千年佳節今晨異
皂帽凌霜曉夢催
日起扶桑鳴大角
風翻碣石倚高臺
他鄉濁酒容我飲
故國黃花見鴈回
便欲排空成獨往
還知子晉和歌來

十月初度

百年今日再生身
大漠高秋對故人
野火燒山天不夜
遊絲罥菊日如春
披裘未覺風霜劇
把盞何辭咲語頻
只此數椽隨處可
寒松翠栢舊來真

剩師錫侯夜語

四壁身隨一磬懸
偕來良友輒歡然
敲棋屢見燈花落
把盞初嘗粟子鮮
鼓角霜催風並急
關山雲盡月孤圓
不妨深夜猶談笑
石火新燒沸乳泉

問剩師病

邊城雪後冷無端
塞衛深慙滑路難
地結凍雲三日臥
天餘布衲一僧寒
椒湯藥裹時須進
糞火泥爐夜莫殘
翹首祇園方丈裏
鈴聲應已報平安

剩師言別

鴈斷遙空隻杖疎
荒園積雪渺愁予
寒風拂面天相問
大漠容身地有餘
月色新懸良友夢
燈花自照古人書
不緣冰海神龍蟄
那得春光萬象初

又

一聞茅屋傍孤村日日騎驢直到門此去遼陽百二十
夢來應認舊沙痕

寄壽剩大師遼陽

大師方開爐勤渠忘歲月顧此臘節來所事未能歇初
度焉可逃紛然百憂結埋以遼海冰冰花開五葉花開
葉更舒覆以千山雪雪似嶺南梅梅寒香不絕憶昔嶺
南全盛時尚書起家侍丹闕夫人冠帔對從容掌上明
珠出海窟此日箕裘已有人此時冠蓋喧相接四十餘
年天地殊杜鵑身變口流血萬里無人掃墓烟棠棣摧
盡松楸竭霧鎖關山障遠途家鄉如在夢還孤生與誰
爲侶而歸與誰爲徒吁嗟乎談經說法胡爲乎吁嗟乎
談經說法胡爲乎

壽大來

維周師尚父吾家之老叟蹶躄東海邊釣竿不離手大
魚不肯來小魚見之走世事安可知後車一朝有釣絲
猶在腰茅土忽在肘遂使紅顏子往往羨白首左公實
未衰來年五十九庭中列五桂屋傍植五柳萬古冰雪
中吾黨來相守此去二十年栽竹以爲壽其實飼鳳凰
其竿拄鰲口得魚當烹之得錢還沽酒天地事無窮吾

徒樂不朽吾不爲
鄴侯糞火乞餘糗
公莫爲鷹揚老態
令人醜

仲冬一日

正可閒無事
冬深天自寒
饑鴉蹲不語
凍犬臥成團
日出柴門曉
烟高大漠寬
吾生猶易足
瓶粟了晨餐

過田五兄書齋

破屋寒風勢欲摧
蓬門晝掩夕陽開
書聲不斷二三子
爲問先生出便回

閒步

地僻無人至
閒來每獨行
天當山外斷
雪向日邊明
枯

木無餘影飛禽只一聲
倘然逢稚子便與戲班荆

晚歸

未許閒無事
栖栖薄暮行
雲歸青嶂合
日落紫烟橫
歲晚身爲客
寒深雪滿城
柴門常不掩
地曠月先明

贈左憲崑

左公入城來
問年六十五
短髮飄素雪
未步身先僂
慷慨予言少
小豪俠伍千金
買娥眉空房貯
歌舞青樓連
狹邪繡被調
鸚鵡花封萬里遊
五馬雄三輔
蹉跎忽至今
勢如雲落雨
雲歸終有托
雨花將安取
椎心夜呼天
求死甦生乳
我乃向翁咲
翁胡不飲醪
有子行負薪

東村集卷二
孫且礪其斧伐彼東海鯨射此南山虎鯨血濺海紅虎
肉將爲脯翁但歸荒村燒寒楮吐堅冰轉地雷春風
動天宇深山足靈苗相期在香菘

歲暮歌呈大來

雪颯沓兮幽谷冰凝滑兮海路渺孤客兮多愁日已徂
兮歲暮日已徂而焉如歲旣暮而何託感故人之提攜
獨相守於寥濶憶昔故人患難時今茲百口共流離予
方偷生但苟祿吞聲道側不能窺君固辭福不辭災予
亦畏禍禍亦來雪花三月大如掌銀鐺視我骨如柴爲
我下榻兮羅酒漿拂棋枰兮開書囊揮雷鼓兮擊電光

夜闌二子論文章酒酣帽落鬢毛斑胸中五嶽山巒岿
春秋二百四十年之冰鐵皎皎寫入蒼髯間鼎湖龍馭
何時雲高堂宿草何人墳燕山一灑鵲鴿血哀號中夜
阿誰聞雞鳴喔喔明星兩角君謂古人其孰可作留侯
辟穀武侯死人生意氣爲知己天地不老春不回日月
照臨心如此

除日

雪深應盡此生寒萬里邊城度臘殘自撥爐灰尋片火
布衾更不夢長安

又

腹有藜羹飽即休心如枯木那容愁不嫌老大無能事
還逐兒童冰上遊

又盡此生寒萬里數州人
百年難得是閒居縱到天涯也歲除却笑狂夫狂未改
夜闌風雪理殘書

又

萬丈寒冰皎絕塵雪中松栢益精神殘軀那得閒無事
自寫春聯送四鄰

贈左錫侯

教授先生道未窮一時負笈有諸童蹇驢十里門前路

早晚南風與北風

又

擲却青雲餐雪霜夢中那解是他鄉春風已許年年至
誰道萊陽勝瀋陽

又

歲暮同爲逆旅人故園風景莫傷神閒來一灑凌雲筆
散作龍荒處處春

高含章至

破帽衝寒自里門天涯握手月黃昏可憐潦倒同學子
萬里相尋咬菜根

獨立

漠漠浮雲日影孤
歸林啼鳥認前途
行吟岐路空搔首
萬里冰霜一病夫

元宵

萬方燈火幾家歡
獨向邊庭耐夜寒
為語春風吹霧盡
高懸明鏡雪中看

晴

萬里雲開野戍烟
晴陽不動四天懸
烏鴉啄雪閒無事
又逐輕風過我前

野望

端居絕物役晨炊
飽蒸羹微風動遠樹
坦步及春晴耳
目入寥廓天地但空明
羣動各自適
衆音相和鳴自註
飛不羨走飲不羨啄此其適也前
者唱予後者隨之此其和也

又

墻陰有殘雪非與朝陽爭
老松無別態氣至理亦榮
飛鳥憑雙翼忽與雲烟并
千峯豈我隔孤杖果何情

題王德甫無煩窩

長安昔聚首絕塞又同來
垂死憑知己餘生付草萊
風霜頻下榻燈火一啣杯
倏見龍沙裏陽和次第回

又

豈有安心法春來晝夢長敲棋雲掩戶持偈夜聞香白
髮留殘雪青山見故鄉吾生如鳥翼隨處得飛翔

又

上林餘舊樹久客又新歸自是行藏理誰云心事遠綠
波江水在白首故人稀兒女從相憶天涯淚不揮

又

行年及六十處世宜三休削跡憐山鬼閒心狎海鷗浮
雲春自變倦羽木何求試向東鄰望晴光在畫樓

剝師至言懷

孤鶴虛高翼依棲亦世情雪殘春自至雲淨月何爭一

衲隨年老雙眸向日明吾纔餘片髮誰與繫浮生

又

題詩尋舊紙沽酒典春衣不是無人事何因有道機迴
廊鳴鳥下遠樹野雲飛山色看相待行歌入翠微

高含章還里歌以送之

嗟我與子生同萬曆之丁巳十歲以後同一先生學爲
制舉之文字二十以後子不干祿其才忽落如筆之禿
誰者翱翔石渠玉堂小犢僨轅遇其羊腸三十以前吾
死可追三十以後吾活何爲爾來輦轂同朝夕憐吾狂
態將傾擲愧君明哲感君情年過三十豈好名維此遠

東村集卷二
海實維樂郊解簪脫組伏於蓬蒿故人遠來關山悠哉
雪既可飽冰亦可埋三冬高臥土床裏夢裏呼呌知何
語東風一吹鄉思生汝自有家汝可行

送明吾上人南迎華首和尚

英風耆衲最知名乳法尋源萬里行華首雲從雪嶺合
曹溪水入閔江清遙天杖錫瞻飛鶴寶地香花聽曉鶯
爲勸老人須早駕遼陽今日是東京

寒食野望

狂吟觸景未能刪料理春風自往還幾處黃沙來雁信
一溪碧水有鳧閒虛堂清磬如僧寂幽壑蒼松與石頑

遙指高峯千丈雪寒花裊裊待誰攀

清明日雨中作

縱遊無處尋芳草獨坐何堪絕舊醅萬里鴈鴻荒外去
中宵風雨故園來誰將麥飯澆寒食只有青煙送冷灰
自分餘生惟痛哭窮途休喚阮公回

又寄陳明府

荒城禪舍曉開衙古樹新巢抱乳鴉乍理琴絃聞鼓吹
初封井屋見桑麻雲邊朱邛餘侯宅日下南陽近帝家
倘許荷鋤分半畝願隨雞犬傍仙車

贈屍林回南

東坡集卷二
南風吹雪鴈來聲雪嶺人歸背鴈行再世相從師弟子
一身未死腐儒生挑藤日月同還往托鉢烟霞自送迎
計到閩江仍北望海天濶處有雲橫

大來再舉子

隔歲逾三月啼聲辨兩郎窮愁仍興致籬落亦輝光
曄開金谷雙雙近玉堂從今辭瓦甍覺蔡姬強

又

雨露無偏灑麒麟倏一羣弧懸當月夜紱剪向春分
咲謔吾儕老艱難世路殷長成能躍馬不必盡攻文

三月一日

歲月身猶在春風識二毛開襟當大漠措足托秋毫
宿雨晴偏潤孤雲迥自高行吟無一字不是誦離騷

飯後

一飽吾無事出門鼓腹行春深寒略減雪盡草纔生
徙倚聞雞唱虛無照水清挂瓢風過樹擾擾古人情

山行

水際山迎面晨光薄未分危崖懸墜石宿霧駐流雲
鳥語微風應花香細草薰武陵春近在不是隔人羣

即事

天外重關閉客情中原回首罷逢迎那知驛路春風裏

東村集卷二
言
猶有蒼生問姓名

曉行

城隅日曉跨驢遊四月邊風冷似秋照水雙鳧閒自喜
懷春孤樹綠生愁

五月十三日謁關祠

白日青天直至今邊城遺廟氣蕭森荊州割據君臣事
漢室艱難兄弟心處處椒漿陳虎拜年年風雨聽龍吟
也知不灑興亡淚魏苑吳宮久廢沉

冬杪咏懷

以下補遺

天涯竊幸息微躬歲晚柴門靜朔風踏雪獨遊寒夜裏

披雲長嘯月明中羣山削玉連荒色一鳥橫烟點太空
松栢不言冬自老冰心期與故人同

其二

寒生四壁雪花堆曉日移窗客夢回蕉鹿幾逢高臥足
雙魚一寄勸餐來隨心咲語閒無忌適興詩篇靜自裁
策杖有時成獨往聞香却似見江梅

其三

荒園極目冷淒淒天外霞明落照低近日獨傳猿臂拙
古來誰到夜郎西茅簷拂雪遲寒鳥脫粟傾瓶鬪小巖
歲序幾更人事在揮毫長是有詩題

其四

大漠蓬飛落一身纔知昔是異鄉人
籬邊此日容歌咏
廡下經年託賤貧
雪滿長天迷雁足
山寒老樹長龍鱗
送窮作賦羞賢達
冷到邊庭不借春

其五

冬殘誰復念蹉跎
贏得清閒日日過
矯首雲霄兄弟少
埋身冰壑友朋多
每煩暄色臨蓬葦
漸覺晴烟動薜蘿
不擬續騷悲逐客
倘逢漁父便漁歌

其六

萬事只求身健在
逢人相慶太平時
豐年物力喧神鼓
小市風光颺酒旗
痛飲乍忘衣似鐵
高歌那借鬢成絲
試看冬日生春日
先上扶桑海樹枝

贈季天中給諫

絕塞秋深萬樹丹
飄然一葉自長安
鴻音漸急晨霜下
客夢初回夜雨寒
別後玉階留諫草
窮來幽谷有彈冠
廣陵遺曲今應續
八月濤聲袖裏看

元日用東坡先生韻

邊樓畫鼓早鳴鴉
遠竄身餘廣柳車
閭闔雲開天作鏡
扶桑日出海生花
殘醴已飫三冬雪
新雁還思萬里家
料理春耕須飯犢
還期溪畔把魚叉

其二
龍沙朔氣劇廉纖臘盡春回亦解嚴昨夢風吹消似雪
故園水漲化爲鹽蛇龍欲起仍藏穴鳥雀時來自入簷
聞說蓬壺連海嶠綵霞應繞玉峯尖

元宵

月出魚龍喧海上塵飛車馬鬧中原心閑只許茅齋客
却識今宵是上元

除日

歲暮何愁歲不新不逢歲暮那逢春夜來夢度關山去
已把平安報老親

其二

浪捲千山雪作堆天涯撼海吼如雷玉門只道春難度
那見陽和日影回

其三

北雪南梅各自強梅無雪冷雪無香此身定向雪中死
化作寒梅億萬行

其四

回首平生只浪遊安居自此任遲留臨風每覺天無際
笑指三山海上漚

其五

東村集卷二
少小痴頑老大灰惟餘笑口向人開西鄰好友敲棋罷
又過東鄰弄瓦杯

其六

冰紋夜照月明空人在千雙清鏡中引得東風無限意
春光還與故園同

集弘福菴爲陳氏披剃

邊城賸有菊花榮閨得重陽佛院行法雨諸天龍象舞
慈雲匝地鳳凰鳴珠垂寶髻青絲盡鏡映蛾眉江月清
三十七年男子事空門今許見無生

至日

北風一吹六合雲孤客飄搖寄茅屋霜濃地坼天無門
夜深獨抱蒼龍宿龍騰泉底忽驚雷一揮羣陰如轉轂
黃鐘寂寂未輕鳴三十六宮皆臣僕大海不波地不塵
日精月華初出沐眼中萬象見昭蘇摧折何須悲草木
西隣好友入門來顛倒布衾索薄粥

閒步

何意寒邊外冬深日與溫披衣凌雪磴曳履出柴門草
盡牛羊息人來雞犬喧浮生寧有係觸目已忘言

贈別高含章

風吹茅屋鴈無聲門外長途班馬鳴冰泮關河隨望去

雪殘塞草向愁生青雲不繫三春色白日難爭萬古名
已分孤魂成野鶴爲君却起故園情

其二

故園渺渺知何許恨不隨風化作塵九死之餘寧有我
百年以後詎無人過關柳葉明初日到舍桃花放暮春
若遇交遊垂念及爲言瘦骨已嶙峋

奉輓蘇雨石

俄傳觀化意何如尺素親題慰謫居每向春風聞善飯
猶期深夜見翻書升沉宦跡浮雲過清白家聲曉日初
閭巷追隨成悵望吞聲天外倍踟躕

庚子重九次日子之初度旅次龍城志哀

四十四年成底事於今又是我生初萍浮大海時相值
筆託名山願已虛淚落秋雲悲陟岵夢回春草慰依閭
可憐憔悴還鄉客廡下依人久荷鋤

年家眷同學弟新城王士禎校閱

東林集卷二

三



書